

قواعد المعركة الأخيرة | #محاضرة | د. حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببذك

الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين - 00:00:01

وفي كل وقت وحين. اما بعد اخواني واحبابي في الله. يعني من اعلى نمازج علو الهمة في الدنيا الشيطان. ابليس. ابليس رغم ان ابليس من اسمه ابلس من رحمة الله يائس. الشيطان ما عندوش امل ان هو ينجو. الشيطان كل قصته ان هو يضيعك معه. انما ان هو ينجو هو ابلس خلاص والعياذ - 00:00:21

لا يأس والعياذ بالله من ان يتوب الله عليه. هذا الشيطان نموزج لعلو الهمة كبير جدا من اول ما المولود بيتولد وهو لسه بيصرخ صرخته الاولى الشيطان يبدأ ينخز فيه ويبدأ ينزغ فيه. الشيطان ببدا مع الانسان من اللحظة الاولى ويفضل معه لحد اخر لحظة في حياته - 00:00:41

فتنة الممات اللي النبي عليه الصلاة والسلام كان بيستعيز بها. بعد كل صلاة قبل ان يسلم من الصلاة. واعوذ بك من فتنة المحيا والممات. اللهم اني اعوذ بك من فتنة واعوذ بك من فتنة المحيا والممات. فتنة الممات وما بين هذا وهذا كما قال النبي صلى الله عليه وسلم قيلوا فان - 00:01:01

الشياطين لا تقيل. الشياطين ما بتقلش، الشياطين ما بتريحش. يعني من الاخر كده الشياطين متربية. الشياطين متربية على ان هي تواصل اليوم كله من اجل اضلال البشر. الشيطان عنده علو همة. فلما تكون نازل في حلبة مصارعة مع الشيطان المفروض انك انت تبقى وفاهم هتعمل ايه مع الشيطان. خدوا بالك يا اخواني في الله - 00:01:21

قواعد الجولة الاولى غير قواعد الجولة الثانية. لو انت اتهزمت او الفريق المنتخب المصري اتهزم اربعة صفر في اللقاء الاولاني فوزه في اللقاء الثاني مترتب عليه ان هو يدخل كاس عالم او ما يدخلش او يكمل او ما يكملش بيبقى اللقاء الثاني ده له قواعد تانية خالص. ان واحد كان عنده مليارات وعنده - 00:01:41

شركات وراحت منه واحد نصاب ضيعها منه. قواعد انه يسترد فلوسه غير خالص قواعد انه كان يحافظ عليها. حروب الاسترداد دائما واحنا نزلنا الدنيا دي بعد ما خسرنا في الجولة الاولى امام ابليس. وكانت نتيجة خسارتنا في الجولة الاولى ان احنا خرجنا من الجنة. المعركة الاخيرة - 00:02:01

او الجولة الثانية او الجيم الاخير اللي بينا وبين الشيطان هنتكلم النهاردة عن اخطر صفحتين في القرآن في فهمي انا. اخطر صفحتين في القرآن. الصفحة فين اللي بعد ما ربنا حكم على ادم انه يخرج من الجنة؟ بعد ما الشيطان خلاه يأكل من الشجرة وادم نازل من الجنة قلنا اهبطوا بعضكم لبعض عدو - 00:02:21

اهبطوا هو انت في صعود ولا في هبوط؟ انت طالع ولا نازل؟ قل نهبطه وانت نازل. عارف لما يتعمل انزال بالمظليات كده. وواحد هينزل في غابة هيترمى في غابة لوحده. فالي بينزله من الطائرة وهو بينزله بيدي له خريطة. قال له ده الخريطة الوحيدة للخروج من الغابة دي. بكل - 00:02:41

الوحوش اللي فيها اصل انت نازل حلبت الجولة الثانية على وجه الكرة الارضية. انت ما انتش نازل آآ يعني تحارب حد عادي. انت بتحارب شيطان ما انتش شايفه اصلا. يعني انت نازل الصراع مع عدو انه يراكم وهو وقبيله من حيث لا ترونهم. كان فيه فيلم كده فيلم اجنبي يعني كان معمول - 00:03:01

كده كان معمول ان طفلين اتحبسوا في بيت مع نمر متوحش. وكل الفيلم بقى معمول على اساس هيعرفوا يخرجوا مش هيعرفوا يخرجوا انت في الصراع ده مع الشيطان الرجيم. يعني ايه الشيطان؟ الشيطان من الشيطان. واحد شايط. واحد مولع. يقول لك الرز -
[00:03:21](#)

نشاط واحد مولع منك. واحد قلبه محروق منك. اللحزة اللي ربنا طرده من الجنة ودخلك انت مش قادر ينساها. ولا هينساها لما ربنا قال له اخرج منها مفؤوما مدحورا. اخرج منها امشي اطلع برة. برة الجنة وبرة ملكوت السماوات في نفس اللحزة. وابليس بيضطر -
[00:03:41](#)

ربنا قدامه قال ويا ادم اسكن انت وزوجك الجنة. فتخيل يعني الثانية اشق على نفسية ابليس من الاولانية. يعني ان ابليس يضطر دي حاجة رهيبة. وان قدام عينه. ابليس مشخص انه انطرد بسبب معصيته. ابليس مشخص انه نزل من السماء بسبب معصيته. ابليس مشخص -
[00:04:01](#)

خاص انه نزل بسببك انت. ابليس مشخص ان انت اللي ضيعته. ان انت اللي دمرته. ان انت السبب في اللي حصل له. فابليس بيتعامل معك بنفسية ان في اللحزة اللي ربنا سبحانه وتعالى بيعاقب ابليس وبيقول له اخرج منها. ويا ادم اسكن انت وزوجك الجنة. فكلنا منها حيث شئتم -
[00:04:21](#)

اللحظة دي ابليس لا ينساها. وربنا يريد ان انت لا تنساها. فانت نازل مع الشيطان الرجيم. اللي شايط منك وقعد يرجمك بالشهوات ويرجمك بالشبهات عايز يدمرك. عايز يدمرك. الجولة الاولانية -
[00:04:41](#)

التزما فيها. ونزلت انت الوقتي زي بالزبط اللي نزل ومعه خريطة طريق في غابة. هاطلع ازاى او في صحرا هاطلع ازاى؟ اوعى تسبب الخريطة. الخريطة دي يا املك الوحيد مش الطريق الوحيد للكنز ولا الطريق. الطريق الوحيد للعودة للجنة. الخريطة دي مكونة من اربع كلمات. يا -
[00:04:57](#)

بني ادم يا بني ادم يا بني ادم الصفحة الثالثة والرابعة من سورة الاعراف حبيت اقف معهم النهاردة ونستخلص منهم قواعد الجولة الاخيرة قواعد الجيم الاخير. قواعد المعركة الاخيرة بينا وبين ابليس. وربنا بيقول لهدم اهبطوا بعضكم لبعض -
[00:05:17](#)

عدو الشيطان مش بس هيبقى عدو لكم. ده الشيطان هيتجند منكم شياطين انس. يعدوكم في الطريق. فانت هتلاقى الناس ضدك والجن ضدك هتلاقى شياطين الناس جه ضدك وشياطين الجن ضدك. وانت نازل وبتهبط في هذا المكان الموحش. في هذا المكان المرعب. وانت نازل حلبة الملائكة ولله المثل الاعلى -
[00:05:37](#)

كأن مدرب وقف جنبك وانت نازل الحلبة بيقول لك خد بالك. انا هاديك بقى النصايح. انا هاعرفك ازاى تنتصر في الجيم ده. انا هاعرفك تعمل ايه خد بالك دايم اياي مدرب في اللحزة ديت وهو واقف بيدعم الجندي بتاعه اللي نازل الحلبة معنى انه بيدعمه ويوجهه -
[00:05:57](#)

بيقول له انا بحبك. انه بيقول له انا عايزك تنتصر. انه بيقول له انا يعني انا يعني فرحي في الدين ده ان انت اللي تكسب. انا اريدك ان انت اللي تنتصر -
[00:06:17](#)

انا اريدك ان انت اللي تفوز فربنا ويبيدنا التوجيهات دي ولله المثل الاعلى ربنا بيقول لك انا بحبك. انا اريد ان انت تنجو بس اياي مدرب او اياي واحد هو بينصح -
[00:06:27](#)

واحد نازل حلبة الملائكة اول كلمة بيقولها له بيقول له خد بالك انت قوي. انت تقدر. انت عظيم. انت اقوى من اياي حد انما اول كلمة ربنا قالها لك انت ضعيف. انت ما تقدرش. انت مش هتقدر تنتصر بالعيوب اللي فيك -
[00:06:37](#)

انت سر قوتك هو انا. فطول ما انت موصول بي انت قوي. لو بعدت عني انت خسرت كل قوتك عشان اول حاجة عشان كده اول حاجة يا بني ادم قد انزلنا عليكم لباسا يواري سوءاتكم. انت عندك سوءات جسدية. انا نزلت لك هدوم -
[00:06:57](#)

عشان توري سوقاتك الجسدية. انزلنا انزلنا يعني ايه يا جماعة؟ انت عمرك شفت آآ اسد ولا فيل ولا حصان ولا قط ولا كلب بيغطي

العورة بتاعته وبيغطي السواقات بتاعته. انت الكائن الوحيد على وجه الارض اللي ماشي بتغطي جسمك. وبتغطي عروضك. انت الكائن الوحيد اللي ربنا قال همه الستر - [00:07:17](#)

واللي ربنا حط في فطرته الستر. فربنا جاب لفظ انزلنا عليكم لباسا يوري سوءاتكم. انت عندك سوءات. خد بالك مش عيوب مش العربية فيها. العربية دي العربية دي يا جماعة فيها حاجات ناقصة. العربية دي فيها مشكلة. اه ده مش العربية دي فيها حطة مفتوحة - [00:07:37](#)

كده بيتملى فيها بنزين ده لو ما فيش بنزين العربية دي تضيع. العربية دي مجوفة. العربية دي جوفاء. العربية دي ممكن تقف. يا ابني ده مش عيوب تصنيع. اللي صانعها صنعها - [00:07:57](#)

ايه ده! طب ده فيها حطة لازم يتملى فيها ميه اللي عاملها عاملها كده. طب ده فيها حطة لازم تتشحن اللي عاملها عاملها كده. ده فيها بطارية بتفضى. اللي عاملها عاملها كده - [00:08:07](#)

هو مش عيوب تصنيع. انت كونك خلق لا تتمالك كون عندك وعورات ونواقص في نفسيتك وضعف جواك. كون انك انسان ضعيف هو ربنا خلقك هنا انت مش هتبقى في الجنة. الخلق الثاني بتاعك في الجنة مش هتبقى كده. انما انت في الدنيا ربنا جعل في خلقك ضعف وسوءات - [00:08:17](#)

وعورات عشان يمتحنك قدام الشيطان. هو ده الامتحان بتاعك. وريشة. ريش زي ريش الطاووس كده. الوان مبهرة. زي ريش الطيور الملونة كده. الجمال كله فربنا بيقول لك انا ما نزلتكش هدم تداري عورتك بس. ده انا نزلت لك حاجات جميلة ولبس جميل وحرير - [00:08:37](#)

قطن وصوف والف حاجة بحيس انك انت تبقى جميل. انا نزلت لك لعوراتك بدل ما انت انسان لو مشيت عريان كده عورات وكلك عورات وكلك سوءات بقيت ماشي شكلك جميل. خد بالك ولباس التقوى ذلك خير. خد بالك انت عندك سوءات جسدية. نزلت لك هدم تداريها - [00:08:57](#)

بس انت عندك سوءات نفسية وعندك سوءات في شخصيتك وفي طباعك. انت جواك ضعف وجواك عجز. وجواك عوار. فنزلت لبس اسمه لباس التقوى اللي هو الدين. نزلت لك الدين يداري عوراتك. طب ما صلحها دي ما بتصلحش. دي ربنا - [00:09:17](#)

خلقك كده خلق لا تتمالك. ربنا خلقك جواك شهوة. ربنا خلقك في دمك هرمونات جنسية جسدية. ربنا خلقك بتجوع ربنا خلقك في مخك مركز من اجل شهوة الطعام. شوية تلاقي نفسك نفسك في حاجة مسكرة. شوية تلاقي نفسك نفسك في حطة لحمية. شوية تلاقي نفسك - [00:09:37](#)

نفسك في حاجة مشوية. شوية تلاقي نفسك نفسك في رغبة عيش وحطة جينة كل ده فيه مركز. في المخ هو اللي بيسير شهوتك تجاه الحاجة اللي جسمك محتاجها وربنا خلقك محتاج وناقص وضعيف ونزل لك الدين يداري به ده. ولباس التقوى ذلك خير. ذلك من - [00:09:57](#)

ايات الله لعلكم تذكرون. اوعى تنسى. اوعى تنسى انك ضعيف. ففي البرمجة اللغوية العصبية اللي اي مدرب بيديها للجندي بتاعه. وهو نازل حلبة المصارعة. بيقول له انت قوي انت تقدر. اوعى تنسى انك تقدر. مهما كسبك انت تقدر تكسبه. ربنا اول حاجة بيقولها لك. انت ضعيف. انت ما تقدرش. انت مصدر - [00:10:17](#)

قوتك هو اتصالك بي. انت مصدر سترك هو لباس الدين. انت الدين هو الحاجة الوحيدة اللي انت هتقدر تنتصر بها. لو انفصلت انفصلت عن الدين انت هتضيع قوتك. تماما ولن تستطيع ان تنتصر في هذه المعركة. التوصيات اللي ربنا منزلها لبني ادم - [00:10:39](#) هم نازلين الارض. عشان كده دي المرة الوحيدة في القرآن اللي جه فيها يا بني ادم. مش يا ايها الذين امنوا ولا يا ايها الناس. يا بني ادم دي المرة الوحيدة اربعة - [00:10:59](#)

يا بني ادم يا بني ادم يا بني ادم اربع مرات. طب ليه يا بني ادم؟ عشان ربنا يفكرك خد بالك عارف زي اخت هارون كده يا - [00:11:09](#)

يا ابن فلان ابوك مسلا كان راجل طيب. يا ابني فلان عيب اللي انت بتعمله ده. او ابوك مسلا عام وقع في مصيبة. وانت عايز توقع نفسك في نفس المصيبة. يا ابني - [00:11:19](#)

فلان يا بني ادم ربنا اراد ان يتحفر في ذهنك. وفي قلبك قصة ادم. ولحزة خروجه من الجنة. ولحزة لما الشيطان ضحك عليه ولحزة لما نزع عنه ملابسه ولقى نفسه عاري في الجنة هو والسيدة حواء. وهم اللاتنين بلهفة - [00:11:29](#)

فرع قاعدين يجيبوا ورق الجنة ويستروا عورتهم. ربنا يريد ان اللحزة دي لا تمنحي من ذهنك. ولما نزل الارض وقام ثاني وتاب الى الله وبنى به الايمان الاول الكعبة وبنى بيئة الايمان الثانية المسجد الاقصى. لما كان لسة ما فيش بشر على الارض ولكن بيحصن الارض. لالف سنة قدام. الشيطان فضل قال - [00:11:49](#)

في سنة بعد موت سيدنا ادم مش قادر يغوي مخلوق. مش قادر من التحصينات اللي عملها سيدنا ادم عليه الصلاة والسلام لما قام قامة ما لهاش حل. قام امة عظيمة قربنا بيقول لك افكر ده يا بني ادم. وفي نفس الوقت يا بني ادم انتم كلكم ما فيش حد في رقبة حد. ما حدش يترمي على حد. لو رحت جهنم - [00:12:09](#)

انت ما انتش في رقبة حد. ما حدش هيتحاسب عن مصاييك غيرك. انت المسئول عن دينك. ما ترميش نفسك على حد وتقول له انجدي في يا بني ادم ده خطاب للجميع. الكل مسئول مسئولية فردية عن انه يطبق هذا الكلام. انت مسئول لما تدخل الكلية - [00:12:29](#)

يومين انك تدور على صحبة. طب هاتوا لي صحبة ما حدش مسؤوليته يجيب لك. انت مسئول انك تدور على اللي يحفزك قرآن. وعلى الصحبة اللي سافرت عقد عمل برة. انت مسئول عن دينك في الغربة. انت مسئول عن دينك في انت مسئول عن انك تحمي نفسك من ابليس. ما فيش حد في رقبة - [00:12:49](#)

حد يا بني ادم لازم يبقى عندك ذاتية في الدين. نزام رمي النفس على بعض ده انا ضايع انا قوم قوم وعيط لربنا قوم ودور على الصحبة الصالحة. قم ودور على دينك. قم ما تستناش ان حد يجي يقومك. قم واستعين بالله وربنا هيعينك وربنا مديك الطريقة اللي انت - [00:13:09](#)

خذ بها نفسك. عشان كده هنتكلم النهاردة زي ما باقول لكم يا اخواني. في اخطر صفحتين في القرآن وهي خارطة الطريق بتاع النجاة التوصيات او قواعد المعركة الاخيرة. او قواعد الجولة الثانية. او قواعد الجولة الاخيرة لو حروب - [00:13:29](#)

استرداد اللي انت فيها دي. ما عرفتش تسترد الجنة ثاني ؟ ما عرفتش ترجع ملكوت السماوات ثاني ؟ انت ضعت. خلاص. انت عارف اللي سافر في الفلك وتاه وجاي مركبة فضائية. يعني لو ما ركش فيها هو ضاع في في انت ضعت لو ما لحقتش - [00:13:49](#)

انك انت ترجع ملكوت السماوات ثاني. انت ضعت لو ما لحقتش انك انت تنجو ثاني وما نفزتش الخريطة دي ثاني. فلازم تتعامل بهزه النفسية. تعالوا اما نشوف ايه هي قواعد الجولة الثانية؟ او هي قواعد الجولة الاخيرة والمعركة الاخيرة؟ القاعدة الاولى زي ما قلنا يا بني ادم قد انزلنا - [00:14:09](#)

عليكم لباسا يوارى سوءاتكم وريشا ولباس التقوى ذلك خير. ذلك من آيات الله لعلهم يذكرون. يبقى الحاجة الاولانية اللي انت لازم تعرفها وانت نازل انك ضعيف. وان مصدر قوتك الوحيد هو لباس التقوى. لباس التقوى. لبس الدين. وفي بعض الاقوال للمفسرين زي اللي زكرها الشوكاني - [00:14:29](#)

وبعض التفاسير الاخرى قالوا لباس التقوى اللي هو لبس الحرب اللي هو لبس الجهاد. اللي هو لما تلبس الدروع والسيوف لبس الجاد يعني ايه؟ يعني انت نصرتك ان دين ربنا هي دي الحاجة اللي بتداري السوءات النفسية اللي عندك. يعني ايه - [00:14:49](#)

يعني ايه لباس التقوى؟ يعني ايه ان انا لبس الدين لما هالبس الدين واتلبس بالدين في حياتي هو ده اللي هيداري مشاكلي يعني انت دلوقتي قاعد في الدرس وسط وسط كل الجمع ده. وقاعد متشجع بهم طب انت لو قعدت في بيتك. انت قاعد دلوقتي قاعد بقى مركز في الكلام - [00:15:04](#)

وممكن يكون البعض مسلا اه عايز يتوب عايز يعمل عايز يحفز قرآن رح اقعد في بيتك لوحدك بقى من المغرب للعشا كده في اول

يوم ممكن تفاجأ أنك انت فتحت موبايل ممكن تفاجئ انك - 00:15:24

اتفرج على مواقع ساقطة. انا طب انت بتصلي في الجامع على طول بتكبيره الاحرام والسنة القبلية والبعدية. خلي يوم يحصل اي حاجة عندك وتصلي في البيت. طب تتصنم في نفسك. انا ده ده انا المغرب هيدن وانا ما صليتش العصر ومش قادر اقوم اصليه. ده انا ده انا اول ما الاذان بيدن بانزل. انا انا اول ما انا بلحق تكبيره الاحرام على طول - 00:15:34

انا مالي انا عامل زي شمشون لما شعره اتحلل كده ليه ؟ انا بقى ما فيش اي قوة عندي كده ليه ؟ ممكن تكون شغال في الدعوة وعندك صحبة صالحة وشغال - 00:15:54

في الدعوة ونشيط واول ما تروح مسلا في الكلية وتلاقي اصحابك تشتغل معهم في الدعوة وتشتري قرآن وتحفيظ قرآن وتروح مسجد الكلية اول ما ييجي اجازة تلاقي نفسك نايم للعصر وممكن تقف في معاصي سر كارسية وممكن تتفرج على افلام اباحية انا انا انا باعمل كده! انا مش بهذه - 00:16:04

في انت كان وجودك في جو الدين مداري عيوبك. انت كان وجودك وسط اخوانك ساتر عليه. مغطي في سوءاتك وضعفك وعوارك ومشاكلك. اول ما اتفصلت وبقيت لوحدهك اول ما بعدت عن جو الدين اللي انت كنت عايش فيه - 00:16:24

قدام نفسك وقدام الشيطان والشيطان عارف مداخلك. انه يراكم وهو وقبيله من حيث لا ترونهم. زي ما نقول الوقتي الشيطان مراقبك هو كمان. وببشوفك ايه اللي وقعك لما ببشوفك وقت في حاجة بيعرف ان دي مداخلك ببدا يشتغل عليك بقى فيها. ببدا يشتغل. فانت مش بس اتفضحت قدام نفسك. واتفضحت قدام الشياطين. والشياطين عرفت - 00:16:44

نقطة ضعفك ايه ؟ ومداخلك اللي يدخلوا لك منها ايه ؟ وايدك اللي بتوجعك فين ؟ وتدم لى في قلبك اللي ممكن يضغطوا عليك به ايه. ويستسيروا نفسيتك ناحيته يبقى اول نقطة الدين هو سر قوتك. الدين هو سر سترك. الدين هو سر نجاتك. فاوعى تشيل نفسك من جو الدين - 00:17:04

عشان كده ربنا سبحانه وتعالى بيقول قبلها. قال اهبطوا بعضكم لبعض عدو. ده ده العداوة مش هتبقى عداوات فردية. العداوات جماعية. بعضكم عدو العداوات هتبقى جماعية. عشان كده لما القصة خلصت ربنا جاب منزر اهل الجنة ومنزر اهل النار. منزر اهل الجنة قال ادخلوا في منزر اهل النار قال - 00:17:24

في امم قد خلت من قبلكم من الجن والانس في النار كلما دخلت امة لعنت اختها حتى اذا اداركوا فيها جميعا منزر جماعات متكثلة فوق بعض في سجون قاع جهنم والعياذ بالله. ناس مجتمعة وعارفة بعض واهي قاعدين يلعنوا بعض. مش - 00:17:44 واحد بيتعزب طب منزر الجنة اول حاجة ونزعنا ما في صدورهم من غل. نزعنا ناس قاعدة في الفردوس الاعلى سعيدة واتنازع الغل جواهر الغل زي الاغلال كده حاجة بتأيدك. الحقد اللي جواك ببشول لك حياتك. تفكيرك في الاخرين بيأيدك في حياتك. بيعطل حركتك وبيعطل انطلاق - 00:18:04

بببقى اخلال في نفسيتك من جوة. نزعنا ما في صدورهم من غل. هو دلوقتي الناس بتغير من بعض في الدنيا ليه ؟ اصل فلان ده اتجوز واحدة احلى من مراتي اصل فلان ده ولاده هو اشطر من عيالي. اصل فلان ده معه فلوس مش معي. اصل فلان ده عربيته احلى من عربيتي. اصل فلان ده شخصيته احلى من شخصيتي. اصل فلان - 00:18:24

ده شهادته احسن من شهادتي. اصل فلان ده شغله اعلى من شغلي. اصل فلان ده اجمل مني. اصل فلانة دي احلى مني فدايما الانسان لما ببشوف اللي احسن منه نفسيته بتتحرك بالحقد والحسد والغيرة وهزه الاشياء الاله هذه المشاعر النفسية العفنة - 00:18:44 اللي النبي عليه الصلاة والسلام سماها سخيمة صدري. يعني العفن ده والعياذ بالله في الجنة التميز ما بين الناس اعظم مليار مرة من التميز في الدنيا. هو انا مراتي مش هتبقى شبه مراتك في الجنة. انت مراتك جمالها على قد جمال عملك. وانا مراتي جمال على قد - 00:19:04

جمال عملي. انت اسرك في الجنة عظمتة على قد عزمة عملك. وانا هصرف الجنة عظمتة عليه. ده عزمة عمل. نسأل الله الفردوس الاعلى. اللهم امين. الستات مش شبه بعض في الجنة - 00:19:19

الرجالة مش شبه بعض مكانها مش كل واحدة جوزها في الجنة شبه جوز الثانية. عشان كده الله سبحانه وتعالى يقول واتوا به ايه؟ متشابهة نعيما هيتشابه مع عملك نسخة من عملك. هو ما فيش واحد عمله زي الثاني. ما فيش واحد عمله نسخة من الثاني. فكل نعيم متفصل على عمل صاحبه. فانت - 00:19:29

في الجنة تخيل بقى اما تيجي تزور اصحابك ده عنده قصر مش عارف ايه وده زوجة ايه وده مش عارف طيارة ايه وده ايه وده ايه وده ايه. اذا كانت - 00:19:49

الناس بتغير من بعض في الدنيا في شوية كلام آآ هاي. في شوية كلام اهل. ما يساويش حاجة اصلا. طب في الجنة فاول حاجة نزعنا ما في من غل ما فيش حد بيغير من ثاني. اللي من بتاع الفردوس الاعلى ده ده اللي في اصحاب اليمين ده يبصوا له يموت فيها. طب انا هيزوره ازاي ويفرح به ازاي؟ ولا - 00:19:59

ازن ان هو ازيد منه في حاجة ازاي. ونزعنا ما في صدورهم من غل. فالجو بتاع النار جو جماعي. والجو بتاع الجنة جو جماعي. لان ما حدش عارف يدخل النار - 00:20:19

غير بسبب الصحبة اللي ضيعته. وما حدش عارف يدخل الجنة غير بسبب الصحبة اللي سبته. فالجو جو خطر. يا بني ادم دول جو خطر. فربنا بيديك توصيات الجولة الاخيرة. اول توصية انت ضعيف. اوعى تستقوى. احترم لحزة ضعفك - 00:20:29

ابليس فضل مستني برصاصة سبعين سنة. اول ما دخل بنت في حياته تحت ستار العمل الخيري. وهو يريد ان يطعمها ويسقيها ويكفلها ويحافظ عليها من فتن الشباب وفتن الفساد هو اللي وقع فيها. يبقى خد بالك خد بالك احترم لحزة ضعفك وافهم ان سر -

00:20:49

قوتك هو الدين. سر قوتك القعدة اللي انت قاعدها دي. انت من غيرها حلق شعره. سر قوتك انك انت جوة جو الدين. ولباس التقوى والقول الثاني اللي هو لبس الجهاد سر قوتك الدعوة. انت ممكن الدعوة تديك قوة في الطاعة. هي مش قوتك اصلا. يعني اعرف بعض الاخوة اللي شغالة في الدعوة - 00:21:09

او مش هغوبك وتباع ومكسر الدنيا. لما تيجي يعني بعض الابتلاءات ويقعد في بيته هو نفسه بيتصدم في نفسه. انا ده انا الناس. ده انا ما فيش خالص من اللي انا كنت باقوله ده. الدعوة كانت مديها له قوة. الدين كان مدي له قوة حافظ على مصدر قوتك - 00:21:29 وافهم سبب قوتك. صحبتك. تدينك. ارتباطك بجو الدين هو سبب القوة بتاعتك. هتشيل نفسك هتقع انت ما انتاش فاهم انت وقعت ليه؟ حط نفسك دايم في البداية المشجعة. اتنين التوصية الثانية. يبقى الشيطان بيشتغل على دي في ايه؟ الشيطان بيشتغل على دي انه يحسك - 00:21:49

انك انت قوي. يبقى دي اول نقطة الشيطان بيشتغل عليها ما هو ربنا بيقول لك خد بالك من ضعفك وقوتك وزي ما الدين. الشيطان لأ انت تقدر. انت قوي. مين قال؟ مين قال سد الزرائع - 00:22:09

مين قال ان ما ينفعش تقف في ساحة الكلية والبنات واقفة احسن تتفتن. وما تنزلش النادي يوم الخميس احسن تتفتن. وخد بالك من انك انت ما تدخلش المواقع الفلانية اللي في احسن - 00:22:19

مين اللي قال لك الكلام ده؟ هو الشيطان عايز يحسسك انك قوي لانه عارف انك ضعيف. وهو درسك من اول ما كنت جسة من طين على باب الجنة شخصك انك لا تتمالك. انت مش هتقدر. انت قدام اكلة حلوة ممكن تمد ايدك على المال الحرام. انت قدام بنت حلوة ممكن تقع في الزنا - 00:22:29

على خطوات ودرجات ممكن تقع. اي حد فينا ممكن يقع في اي حاجة. فربنا بيحزرك والشيطان بيحركك. يا بني ادم لا يفتنكم الشيطان كما اخرج ابويكم من الجنة كما يقول سيبيويه تشبيه حال تشبيه للحال. كما اخرج - 00:22:49

من الجنة الشيطان هيضربك بنفس الخطة بتاعة الجولة الاولى. الشيطان ما عندوش خطة تانية هي نفس الخطة اللي خرج ادم من الجنة بها هي نفس الخطة اللي هيوديك النار بها والعياذ بالله. هي نفس الخطة عارف موشى ديان لما ضرب مصر في سبعة -

00:23:09

ستين بنفس خط الستة وخمسين قالوا له ازاى ؟ قال لهم ما هم لا يبقروا ولا يفهموا ولا مركزين اصلا. فهو الشيطان معتمد على
انك انت كده. انت ما انتاش مركز - [00:23:26](#)

عشان كده انت لازم تدرس اوي اوي هو الشيطان عمل ايه مع ادم. كما اخرج ابويكم من الجنة دي ربنا جاب لك السر فيها كله.
ممکن نحاول اقف فيها المرة الجاية. ان ربنا اذن يعني بازن الله سبحانه وتعالى. ممكن يقف مع الكلمة دي بس. يعني ايه كما كما نفس
الخطا. اللي عملها مع ادم هيعملها مع - [00:23:36](#)

ادم هي نفس الخطا. يبقى انا لازم ادرس خطته. مش قضية تدريسها اجمالي ان هو بيدخل لك من باب الاحلام والاماني. آآ ولامينهم
لامرنهم هو الاول بيبدأ يعلقك بالفلوس والغنى وبعد كده ما قدامكش غير المال الحرام. هو لامينهم الاول علقك بالدنيا بعد كده
لامرنهم - [00:23:56](#)

بعد كده بقى سايقك. لاحتنكن ذريته. احتنك يعني احط اللجام في حناكهم زي البهائم ما بيتحط اللجام في حنكها. وتتسقا سوقهم
زي البهايم. هسوقهم ناحية الشهوات وناحية انهم يقتلوا في بعضهم وناحية المال الحرام. ونحية الزنا وناحية الاحاد وناحية
الليبرالية - [00:24:16](#)

وناحية التمرد على شريعة الله. وناحية حرب الدعاء الى الله هسوقهم زي البهائم بالزبط. هسوقهم سواء ان لاحتنكن ذريته انا مش
هاضلهم يا رب. ده انا يا رب هابين لك. يعني استغفر الله العظيم. شف الكفر بتاع ابليس. انا يا رب هوريك اللي انت استغفر الله العظيم.
اللي انت قلت انه - [00:24:36](#)

اخليفتك في الارض هوريك ان هو ما كانش يستاهل اكثر من انه يبقى حته بهيمة. انه حيوان. حيوان يتشد باللجام كده ويمشي هو
مش عارف هو ماشي فين. شف ابليس فكره ايه؟ شف دماغه شكلها ايه؟ شف حقه على البني ادم شكلها ايه؟ عشان كده كما اخرج
ابويكم من الجنة - [00:24:56](#)

كلمة كبيرة اوي ربنا بيقول لك انت هتضرب بنفس الخطا خطا سبعة وستين هي خطا ستة وخمسين خد بالك. ادرس خطا الضرب
بتاعتك عشان انت هتضرب بها تاني. نفس اللي - [00:25:16](#)

عملوا مع ادم هيعملوا معك. بس المرة الاولانية كانت النتيجة خروج من الجنة المرة الثانية رمي في جهنم. والعياذ بالله. فهي نفس
الخطا نفس فكرة بص انت تقدر بص انت خايف ليه؟ لا انا ما اقدرش. ما نهاكما ربكم عن هذه الشجرة. بص هو وهو بيقول له
هذه الشجرة بيقول له بص - [00:25:30](#)

تعال بص على البت دي. بص على الموقع ده. فدي قضية هي دي بقى القضية بتاعة يا بني ادم لا يفتنكم الشيطان كما اخرج ابويكم
من الجنة. عمل ايه؟ يري - [00:25:50](#)

لها سوءاتها ليربهما هو عارف ان البني ادم اول ما هيشوف مش هيعرف يمسه نفسه. هو عايز العري ينتشر. ينزع طب ليه ينزع؟
ده النزاع ده اني باشد حاجة غصب عنك. لان العري ده ضد الفطرة. البنت اللي ماشية على البلاج هوت شورت والبنت اللي ماشية في
الساحل الشمالي - [00:26:00](#)

بمايوه والولد اللي ماشي مش عارف بايه لبس شكله ايه والبنت اللي لابسة بلبس مبين جسمها ومفصل جسمها ده ضد الفترة ده ده
منظر قبيح منظر بشع. هو الشيطان بقى هيشغل على ده. هيشغل على حاجة اسمها التزيين. هيشغل على قضية الفلاسفة بقى لهم
- [00:26:20](#)

سبع تلاف مليون سنة قاعدين يتكلموا فيها اسمها التحسين والتقبيح. ايه الحاجة الحلوة وايه الحاجة الوحشة وايه المقياس؟ هو
هيبداً يجيب القبح واحدة ماشية في الشارع عارية. ملونة جسمها بلون اسمه لبس سمته لبس زورا وبهتانا. وماشية عارية. في -
[00:26:40](#)

تفاصيل جسمها كلها بين منزر يخلي الواحد يرجع. منزر مش يسير شهوة شاب ابداء. هو يفضل بقى يزينها لها ويزينها لك. ويزينها
للاعلام علماني لحد ما يبقى ده رمز التقدم. ودي البنت المتفتحة. وده المنزر الجميل. وده اللي يثير الشهوة - [00:27:00](#)

وده هو بيفضل يشتغل لحد ما المنزر القبيح اللي المفروض الواحد يتقيأ منه يبقى ده المنزر اللي البنت المحجبة تبص لها ياه ده انا نفسي ابقى مكانك ده انا نفسي ابقى زيك كده وكله عينيهم معك وانت رايحة وانت جاية ينزع عنهما لباسهم. الشيطان بيشتغل على العري. بيشتغل على - [00:27:20](#)

اثارة الشهوات. لان من غير شهوات مش هيبقى فيه شبهات. من غير شهوات القلوب مش هتظلم وتسد بالنكت السوداء. فلما ييجي يتعرض عليها فتن الليبرالية والعلمانية واليسارية والشيوعية والمركسية لما ييجي يتعرض عليها والديموقراطية وفتن كل -

[00:27:40](#)

شرع يعارض شرع الله سبحانه وتعالى. لما ييجي يتعرض عليه ده ممكن يقبل ليه؟ لانه بقى في مصلحة شهواته. فالاول ان الشهوات تتور ينزع عنهما لباسهما. لباس ايه لباس الجسم ولباس التقوى. يعني الشيطان عايزك تتحرر من لبسين. لبس الجسم. فالبنات تبقى -

[00:28:00](#)

عاريات في الشوارع والشباب عراة في الشوارع. وده يفتن ده ودي تفتن ده ويفتنوا في بعض. وتتحرر من لبس الدين. الدين مش ما هو انت انت لو اتحررت من لبس الشهوات الجسدي بس. طب وبعدين هتقع في المعاصي ودمارك مأكلك. لأ انا بقى مش عايز ضميرك يأنبك - [00:28:20](#)

وانا ضميري انبني ليه؟ يعني انا عايز اسبح في الارض فسادا. بس هافضل نايم خايف من انتقام ربنا مني في آآ يجي لي سرطان ربنا ينتقم منه او سوء خاتمة او آآ واقعد انب نفسي. هتتوب امتي؟ لا لا لا لا لا مش لبس الجسد بس اللي عايزك تشيله. ولبس الدين -

[00:28:40](#)

حرر اللي عايز يعيش زي ما هو عايز يعيش. ينزع عنهما لباسهما لي يريهما سوءاتهما. ليريهما سوءات فيهما هو عارف انك لو شفت مش هتقدر تمسك نفسك هتقع. هو عايز يفضحك قدام نفسك. عايز يطلع سوءات الجسدية والسوءات الشخصية - [00:29:00](#)

النفسية قدام عينيك. انه يراكم هو وقبيله من حيث لا ترونهم. خد بالك يعني مش المدرب بتاعك بقى بيقول لك انت نازل الحلبة هحارب مين الطفلين اللي اتحبسوا مع النمر في الفيلا! لأ ده انت كمان ما انت شايف النمرا! ده انت نازل ما انتش شايف المصارع! اللي بيصارعك - [00:29:22](#)

ده ده ده قضية مرعبة بقى. انت كمان ما انتش شايفه. اكبر حاجة الشيطان نجح فيها انه يدمرك من غير ما تحس انه موجود اصلا فبتقعد تشخص ان سبب مشاكلك اي حاجة غير ان الشيطان وسوس لي النهاردة. غير ان الشيطان خانقني النهاردة. غير ان الشيطان اتسلط علي بضعف - [00:29:40](#)

بتاعة النهاردة فاكبر لانك انت لو اكتشفته التحصين منه سهل. فهو لازم يضيعك من غير ما تحس انه موجود. لازم يشتغل على دي انه يراكم وهو قابيل من حيث لا ترونهم. هو شايفك. ولما انت بتقع في اي عورة لما انت بتقع في اي معصية بيدرسك - [00:30:00](#)

وبيشوفك وبيعرف ان دي نقطة ضعف عندك. فما تفضحش نفسك. اتستر بالدين حتى عن عينين الشياطين نفسها. انا جعلنا الشياطين اولياء للذين لا هو ايه اللي بعد الولاية بقى؟ يعني ايه اولياء؟ البنت الحلوة الحلوة اخلاقا لو مشت مع بنت بغي. بنت بفلوس -

[00:30:20](#)

وبتبيع نفسها وبتبيع جسدها. في الاول مش ممكن! حرام عليك! انت مش عارف ايه! بعد شوية عادي! عادي تشوفها بتكتب وعادي. بعد شوية هي نفسها ممكن تروح معها. هو الشيطان كده الشيطان لما بتصاحبه اللي كان قبيح في الفطرة بقى عادي - [00:30:40](#)

عادي خلاص. لدرجة ان الاية اللي بعدها واذا فعلوا ايه؟ فاحشة. شف وصلوا لايه لما الشيطان بدأ يتولاه. الشيطان بدأ في الاول اكشفوا العورات. المتبرجة الحقيبة. الشاب اللي السيء. شوية بقى هو ده الحلو وده النموذج اللي اللي - [00:31:00](#)

ملتزم جوة الجامعة بيقاوم نفسه عشان ما يتفتنش به. شوية واذا فعلوا فاحشة. فاحشة واحد بيزني في شارع ولا بيزني في عربية. واحدة تماشية كاسية عارية فاحشة. الفاحشة دي الفحش ده. المعاصي اللي بتستبشعها الفطرة - [00:31:20](#)

من غير شريعة كله عارف ان ده شيع بشع. لا يطاق. واذا فعلوا فاحشة قالوا واحد وجدنا عليها اباونا. يا عم ده العرف ده المجتمع كله

انت جاي بتكلمني في ايه ؟ فالمعصية حولوها لعرف. من كتر ما انتشرت. المصيبة بقى اللي بعد كده والله امرنا بها. ده بقى الدين. ده
[00:31:39](#) -

بقى بياكل ربا البنوك باسم الدين. ده بقى بيحارب الدعاء الى الله باسم الدين. ده بقى بيفسد في الارض باسم الدين. ده بقى والله
امرنا بها. ده دين المعصية. شف الشيطان اشتغل - [00:32:01](#)

عليهم لحد ما الفواحش والعري والفجور اتحولوا لعرف ودين. جاي انت تحارب مين بقى بقى بيحاربك في سبيل الله. بقى بتاع التوك
شو. بيحارب الدعاء الى الله. عشان ربنا يدخله الجنة - [00:32:21](#)

وهو معتقد كده بقى بيحارب اولياء الدين ودعاء الى الله ويسجنهم ويعزبهم عشان يحافظ على الدين من هؤلاء والمتطرفين بقى
بيحارب عشان ربنا الشيطان فضل يلف لحد ما لبول يلبسوا عليهم دينهم. الموضوع بقى لابس لبس قمة اللبس. قل ان الله -
[00:32:38](#)

لا يأمر بالفحشاء. ربنا ما بيامرش بالفجر ده. والشهوات دي. والفجور ده اتقولون على الله ما لا تعلمون انتم جاييين كده منين ؟ هو
فيه حاجة اسمها مرجعية الشريعة، فيه حاجة اسمها مرجعية القرآن والسنة. مش التقبيح والتحسين العقلي. اللي وصلكم في الاخر ان
[00:33:04](#) -

بقى حاجة جميلة انت مالك انت. قل امر ربي بالقسط بالعدل. امر ربي بالقسط. وما فيش قسط زي الدين. وزى التدين. واقيموا
وجوهكم عند كل مسجد. الله! هو وانت نازل الحلبة ولا قال مسل اعلى يعني؟ الموجه بتاعك قال لك الاول خد بالك - [00:33:24](#)
انت ضعيف وقوتك انك تفضل موصول بي. خد بالك. طب رقم اتنين انا هشرح لك بقى خطة خصمك. خصمك كما اخرج ابويكم من
الجنة. هو عليك بنفس الخطة. خد بالك ادرس الخطة بتاعة ابليس مع ادم ادرسها حلوة قوي. لان ابليس ما عندوش خطة تانية. هو -
[00:33:44](#)

هو دي خطته وطاقته زي ما انت شايف هتوصل في النهاية. انه عايز يحل يخلي الواقع جزئين. جزء برة الجامع وناس جوة الجامع
والناس اللي جوة الجامعة مهمين جدا. ابليس مش عايز الجوامع تفضى. ابدأ. ابليس عايز الجوامع يفضل فيها ناس. بس ليه؟ هو عايز
[00:34:04](#) -

جزء برة الجامع فاجر فجور عري شهوات ليبرالية اعمل ما تشاء وما حدش له دعوة بحد اللي عايز يفجر في الارض يفجر في الارض
وانت ما لك؟ اعمل اللي انت عايزه. يبقى عايزة برة الجامع وباسم العرف وباسم الدين وكل حاجة. طب واللي جوة الجامع -
[00:34:24](#)

لجوء الجامع ده بقى ده لسه ده علوه همه رهيب عند ابليس. اللي جوة الجامع بقى هيحاول انه يخليه متشدد في الدين. معنت في
الدين هيحاول ان الدين بتاعه ده يبقى خنقة. فاللي برة الجامع كل ما يبص عليه ده فطرته تسعة ولا حاجة لا اروح مع مين يا عم! لا
مش هاقدر ابقى مع الناس دي - [00:34:44](#)

وهو نفسه من الشياطين اللي هو فيه. ده النموذج اللي ابليس عايز يوصل له في النهاية. نموزج ناس جوة الجامع وزيفتهم يكرهوا
الناس اللي برة الجامعة انها تدخل لبيت ربنا. لان لو الجامع فضي هيتملى تاني بالناس اللي فطرتها تصحى. فهيدخل الجامع لا لا لا. ده
ده كل ما يبجي يصحى ويدخل الجامع يشوف المتشدد - [00:35:04](#)

والمعنت واللي خنق نفسه باسم الدين ده يقول لك يا عم مش عايز. في سلامة. خلاص ده انا هربان من الخنقة. اجي الخنقة! مش
عايز وانت نازل الحلبة خد بالك من خطة عدوك. خطة عدوي ايه ؟ كما اخرج ابويكم من الجنة. نفس الخطة بالزبط. هيشغل ان هو
يمنيك ويزرع الاماني جواك وبعد كده - [00:35:24](#)

يبدأ يستعبدك بالاحلام اللي جواك لانه هيقول لك ان ما فيش طريق للوصول لها غير الاسباب الحرام. المال الحرام الشهوة الحرام ما
فيش. خلاص الحلال صعب والحرام هو اللي سهل. انه - [00:35:44](#)
ويفتح عينك على الشهوات وعلى الدنيا وعلى اللي غيرك بيتنعم به فتبدأ تنقد على حياتك. وانت ضعيف لا تتمالك. لو بصيت مش

هتقدر تغمض عينيك زي ما هم بيقلوا هيبداً يشتغل بقى على على العري وكشف العورات وتهيج الشهوات وانك انت تدخل انت
تلاقي - [00:35:54](#)

عري تمشي في الشارع عري تفتح التليفزيون عري. في الكليات عري تمشي في الشواطئ عري تدخل الجامعة عري. عملية لتهديج
الشهوات المستمرة. هو عايزك تبقى ماشي كده. هو عايز الناس زي ما قال لاحتانيكان. طب هيحتنكم ازاي؟ هو هيحولهم لناس اللي
بيسوقهم - [00:36:14](#)

الهرمونات الجسدية بتاعتهم. الهرمونات بتاعة الغدد الجنسية بتاعتهم هو ده اللي سوب. ساعتها هيحتنك. قبل كده لا يمكن
يحتنك. هيسوقك ازاي؟ انت بني ادم عاقل والدنيا منورة. فيبدأ يعميك. العري ونشر الشهوات تعمي. فربنا بيقول لك بقى الخطة
المضادة ايه؟ هو عماك وزين الحاجة الغلط - [00:36:34](#)

وطمس النور بتاع البصيرة واشتغل على البصيرة وطمس النور بتاعها الحل ان النور يبجي تاني ازاي؟ واقيموا وجوهكم عند كل
مسجد اجري على بيت ربنا. اشمعنى المسجد يعني؟ النبي عليه الصلاة والسلام وهو رايح المسجد كان بدعاء الذهاب للمسجد ايه؟
اللهم اجعل - [00:36:54](#)

في قلبي نور في لساني نور امامي نور خلفي نور يميني نور شمالي نور كل حاجة في دمي نور الله اجعلني نوراً رب اعظم لي نوراً.
هو اشمعنى انا رايح السوق؟ فيقول يا رب ارزقني. رايح الكلية باقول يا رب نجحني. انا رايح المسجد يا رب نورها لي. ليه؟ ده
مكان تحصيل - [00:37:14](#)

زي ما السوق مكان تحصيل الاكل زي ما الكلية مكان تحصيل النجاح والشهادة هنا مكان تحصيل النور. عشان كده الله سبحانه وتعالى
في سورة النور لما قال الله نور السماوات والارض - [00:37:34](#)

ارض وربنا بدأ يوصف بقى في النور بتاعه لما بيسكن في قلوب العباد الصالحين. بعدها ربنا قال ايه؟ في بيوت اذن الله ان ترفع لانك
انت لما هتتلف على النور ده. انا عايز النور ده اجيبه منين؟ رح المسجد. النور ده في المسجد. فربنا قال لك الشيطان هيحاول
يضلّمها لك - [00:37:44](#)

اجيب النور منين؟ اقيموا وجوهكم عند كل مسجد. ما تبقاش انسان متعصب عند كل مسجد كان ممكن ربنا يقول اقيموا وجوهكم عند
المسجد. عند كل مسجد. بلاش التحزب في الدين. بلاش التعصب في الدين. افتح استفيد من كل اهل الدين - [00:38:04](#)
اللي على منهج السنة. استفيد من كل العلماء. من كل العاملين لدين الله. على منهج السنة. استفيد من جماعة للدين. بلاش التعصب.
اللي يعني الشيطان هيشغل على التعصب. عشان كده ربنا بيقول بعد كده ونزعنا ما في صدورهم ايه؟ من غل. انت المفروض ان انت
من الوقت تجاهد ان ما يبقاش في قلبك غل اتجاه اي - [00:38:24](#)

حد عامل لدين الله على منهج السنة. واقيموا وجوهكم عند كل مسجد وادعوه مخلصين له الدين. انك انت جوة المسجد بقى انت
عامل بالزبط بالزبط زي جو مع النمر في الفيلاد. ولقى اوضة عرف يستخبي فيها. انت بتستغيس بالله انه ينجيك - [00:38:44](#)
ادعوه مخلصين لو الدين دي ما بتجيش في القرآن غير مع اللي ركب البحر. والبحر اتقلب به وميت ميت وجاءهم الموت من كل مكان
ساعتها دعوا الله مخلصين له الدين. انك انت تستغيس بالله بقى كلمة خطيرة النبي عليه الصلاة والسلام بيقولها للصحابة -

[00:39:04](#)

هو بيوصف استغاسة المؤمنين بالله عشان اخوانهم اللي وقعوا في النار ربنا يخرجهم بيقول فما انتم باشد مناشدة في استقصاء
الحق من مناشدتهم لله في اخوانهم. يعني شف انت بتقعد تعيط لربنا اهديني يا رب - [00:39:24](#)
ارشدني يا رب نورها لي يا رب عرفني الطريق اليك يا رب. اطلب علم ولا احفز قرآن يا رب؟ اشتغل في الدعوة ولا اصل ارحامي ولا
اعمل ايه يا رب؟ اهديني - [00:39:44](#)

اجمع بين الدين والدنيا ازاي يا رب اصاحب مين؟ اتعلم على ايد مين؟ المفروض ان القضايا دي انت بتبكي لربنا وانت بتدعي ربنا
بها. بتبكي ربنا عشان يهديك. فالنبي عليه الصلاة والسلام بيوصف هنا - [00:39:59](#)

مدى مناشدة المؤمن لله ان ربنا ينورها له. وادعوه مخلصين له الدين كما بدأكم تقعدون انت راجع راجع ارتباطك بالدار
الآخرة هو اللي هيخلي عبادتك ربنا ينور لك بها وانت جوة بيت ربنا سبحانه وتعالى. يا بني ادم خذوا - [00:40:11](#)
وزينتكم عند كل مسجد. اوبال! الشيطان الوقتي بيشتغل على الناس البايضة. اشتغل على الناس اللي صدقت ان الزنا دين. اشتغل الناس
اللي صدقت ان العري تقدم وو وفي الآخر بقى عرف ودين عندهم. طب الناس اللي فلتت بقى وما تضحكش - [00:40:31](#)
وراحت الجامع دخل لهم الجامع. وبدأ يشتغل على المتدينين. يعمل ايه بقى؟ يا بني ادم خذوا زينتك عند كل ماء. الشيطان عنده
علوم رهيب. خذوا زينتك عند كل مسجد. ازاى يعني؟ هو المشركين عملوا ايه في مكة؟ المشركين الوقتي جه موسم الحج. فجاءت
الستات تطوف. استنى انت هتطوف - [00:40:51](#)
ازاى؟ الثياب اللي انت عصيت ربنا فيها هتطفي بها ازاى؟ انت مجنونة ازاى؟ طب اعمل ايه؟ لازم تخلي كل ملاسك. يعني ايه
لازم تبقي عارية تماما. ثياب المعصية حرام. وافترء على الله انك تطوفي فيها. وانت كمان حرام تطوف في - [00:41:11](#)
ثياب المعصية يعني اطوف عالي ازاى؟ طافوا عرامة اصل هبل ومنالة وغضب عليهم هيخسفوا بهم الارض ما خايفين. طيب انا
جعان الوقتي حرام لا لحمه ولا فراخ ولا سمك ولا الكلام امال ايه كسرة خبز ليه؟ انت في المناسك. انت حولوا الدين لخنقة. حولوا
الدين - [00:41:31](#)
نموزج حدش يطيق يعيش فيه. فلما خلص الحج بقى مش مصدق يخلص وخلص ادينا حجيت مرة في عمري خلاص خلاص.
فالشيطان بدأ يشتغل على اهل الدين عشان يشددوا في الدين. فبقى التشدد ده - [00:41:52](#)
اكبر دعاية في العالم لنفور الناس من الدين. فبقيت انت لما تشدد على الناس بقيت اكبر دعاية ان الناس تكره الدين وتطفش من
الدين. عشان كده النموزج بتاع بعض الحركات الجهنية لما يبدأوا بقى يولعوا في الناس ويحرقوا في الناس. مين - [00:42:12](#)
اللي بينشر الصور دي في العالم الاعلام الكفر نفسه. ليه؟ لان بالنسبة له دي اكبر دعاية نقول للناس ما يدخلوش الاسلام. مين اللي
ينشر صور الشيعة في عاشورا وهم قاعدين - [00:42:32](#)
سيوف يقطعوا في لحمهم. الاعلام الغربي ليه؟ لان ده اكبر دعاية للعالم شوفوا المسلمين. شوفوا الجنان يا عم ابعده. يا عم اخلع! يا عم
اسلام ايه وبتاع ايه! هو ده كلام عاقل - [00:42:42](#)
عشان كده ابو جهل اول ما النبي عليه الصلاة والسلام قال له انا رحت المسجد الاقصى ورجعت قال له ابو جهل قال له اجمع لك
الناس وتلومك يا ناس يا ابو جهل ده انت وظيفتك في الحياة من ساعة ما بتصحى لحد ما تنام. ازاى تقفل ابواب الدعوة على النبي
عليه الصلاة والسلام؟ وانطلق المأ منهم قال امشي واصبروا على الهتك. ما حدش يسمعه - [00:42:52](#)
انت النهاردة انت اللي عايز الناس تسمعه اه اصل الكلام ده غالبا اللي هيسمعه مش هيدخل الدين. هو فعلا من بعد الاسراء والمعراج
من بعد عام الحزن ما عدش حد بيدخل في الدين - [00:43:12](#)
عشان كده آآ النبي عليه الصلاة والسلام بدأ يفكر في القبائل الثانية خلاص مكة مش هتشيل الدين. مكة مش راضية تشيل. حد مش
راضي يدخل. فقال له اجمع لك الناس وتقول لهم - [00:43:22](#)
فهو بالزبط كده الشيطان يريد انه يحولك لدعاية مضادة للدين في بيتك. ووسط تصحبك في الشغل ووسط زمايلك ووسط قريباتك
في عيلتك. ووسط المجتمع اللي انت عايش فيه. وعندي بتاع الفول - [00:43:32](#)
اللي انت بتشتري منه فول وطعمية الصبح وانت بتفطر. والشيطان يريد ان يحولك الى بنر متحرك. تبغض الى الناس دين الله انت
بقى لو عرفت باخلاقك ولزاتك وشخصيتك الجميلة وتعاملك مع المجتمع وكلمة النصح - [00:43:52](#)
اللي بتيجي في وسط الكلام الاجتماعي الليز. لو عرفت تبقى دعاية للدين انت كده ضربته في مقتل. انما هو يريد انك تبقى دعاية
مجانبة لتطفيش الناس من الدين. ما تبدأ بكلام في الحرام. شد على الناس. اخلاقك صعبة. لا انت شهم ولا انت راجل ولا انت تساوي
ربع جنيه في سوق الحياة اصلا - [00:44:12](#)
بالنسبة للناس لما بتيجي لا بتقف مع حد في زنقة ولا بتسند حد ولا بتغيس ملهوف ولا يعتمد عليك في حاجة ما فيش احد الاخوة

المتدينين واحد في عيلته بيقول له انت لما بتسافر انا بترعب. انا طول ما انت موجود في البلد انا حاسس بالامان. حاسس ان لو

تعبت الاقي حد يوديني - [00:44:32](#)

حاسس ان لو اتزنت الاقي حد واقف جنبى كلمة جميلة. كلمة جميلة. واحد شهم في مكانه. مدي للناس صورة ان ده انك انت تبقى دعاية للدين ولا دعاية ضد الدين. انت مين في الاثنين؟ انا هاسألكم في الاخر. ايه الروشتة؟ رويشتة المعركة الاخيرة ايه؟ عايزين اللي

دماغك - [00:44:51](#)

كده وتفهم يعني المراد ايه دلوقتي الكلام اللي عمل ايه؟ يا بني ادم خذوا زينتكم عند كل مسجد. اوعى تحول الدين لحاجة خنيقة. وانت رايح البس نفسك الجميل. سيد. اوعى جوة المسجد تبقى قاعد قعدة مخنوقة. اتصاحب على الناس. وكون جوة المسجد بقية

ايمان. وخلي اللي يخرج من برة يلاقي حب - [00:45:11](#)

ويلاقي ناس بتضحك ويلاقي ناس فرحانة بالدين. افرح بالدين. اوعى تخنق نفسك جوة الدين. اوعى تفتكر ان الدين ان انا ما لبسش كويس ولا اكل كويس ولا اشرب كويس ولا انجح في دراسة. اوعى تفتكر ان الدين ان انا اخنق نفسي واشد على نفسي. اوعى تفتكر

ده. خذوا زينتكم - [00:45:31](#)

عند كل مسجد. اوعى تعمل زي المشركين لما الشيطان ضاحك عليهم وقال لهم تحجوا عراة وقال لهم ما تاكلوش الاكل الحلو وانت

في آآ في مناسك العبادة وعقد الدين عليهم. ما تعقدش الدين على نفسك. تخنقش نفسك جوة الدين - [00:45:51](#)

اتحرك في ساعتك لا يكلف الله نفسا الا وسعها. هنا بقى تعرف تخرج وكلوا واشربوا ولا تسرفوا لما هتخرج برة الجامع بقى آآ اخرج وانت ما انتاش خايف. انت دلوقتي خلاص تضلعت بالنور من جوة الجامع ودعيت ربنا. واتعرفت على الصحبة الحلوة جوة الجامع.

وده ايه الشجاعة اللي انتم فيها ده! وآآ وآآ - [00:46:07](#)

وحبيت الدين وكونت جو ديني جميل وعشت جو جميل. اخرج بقى للدنيا النور اللي انت حصلته بينور حياة الناس. واخرج مارس

الحياة واخرج ابني الحياة بالدين. وانجح وتفوق وتميز. وتاجر واكسب واغتنى واتجوز وخلف - [00:46:28](#)

واستمع بحياتك في طاعة الله. ومن جامع للدنيا ومن الدنيا للجامع. كل شوية بتخرج ترجع التوكيل تتشحن صح. وترجع ثاني اخرج

نور حياة الناس يمشون على الارض. عباد الرحمن الذين يمشون على الارض. نور حياة الناس. عيش وسط الناس. عيش وسط الناس ما

تفصلش عن المجتمع. عيش وسط الناس - [00:46:48](#)

اقل كلمة هتقولها لواحد عاصي ممكن تنقزه. ممكن تنقزه من مصيبة. ياما كلمة انقزت شباب كانوا رايعين يقعون زنا ياما كلمة انقزت

ناس كانت رايحة تعمل مصيبة. فلما كلمها قال انك اليوم لدينا مكين امين. فلما كلما الكلمة ممكن تقلب وتغير - [00:47:08](#)

حياة وتغير واقع. نحن نؤمن بالكلمة. نحن نؤمن بالكلمة. السلفيين يؤمنون بالكلمة. ويؤمنون بقيمة الكلمة يؤمنون بالاثار التغييرى

للكلمة والانبيا اقاموا دعوات في الارض بالدعوة الى الله. بكلمة الدعوة الم تريكف ضرب الله مثلا؟ كلمة - [00:47:28](#)

كلمة كلمة ايه الكلمة هتعمل ايه ومبهدلينا ومعزيينا وبقينا في اخر مكة وشردونا وعايزين حد يستخى الا ابو سفيان ولا حد يستخى

لابو جهل لازم نعمل حاجة. ربنا ببسبتهم. الم ترى كيف ضرب الله مثلا كلمة طيبة كشجرة طيبة. البزرة بقت شجرة ازاي؟ انت ما لك -

[00:47:48](#)

اصلها ثابت ما حدش هيقدر يزيل دعوة الحق من الارض. اللي قامت على الكلمة الطيبة وفرعها في السماء سيتحدس عنها ال السماء

قبل ال الارض تؤتي اكلها كل حين هتفضل تجيب سمارها. وده يلتزم بكرة ودي هتلتزم بعده. وده هيخلي ده يلتزم والدين هينتشر

في - [00:48:08](#)

مجتمع ده بدايتها كلمة. الواقع الرهيب اللي وصل السما واتى اكل كل حين. كل ده من كلمة؟ كل ده من كلمة. نحن نؤمن بالكلمة

الطيبة ونؤمن بالدعوة كمنهج للتغيير. وكلوا واشربوا ولا تسرفوا انه لا يحب المسرفين. قل من حرم زينة الله التي اخرجها -

[00:48:28](#)

العبادة. يا عم هو ربنا يعني اخطر كلمة في الاية دي ايه؟ اخطر كلمة في الاية دي ايه؟ قل من حرم زينة الله التي اخرج العباد

والطيبات من الرزق اخطر كلمة في الاية هنا ايه؟ زينة الله. ان ربنا ينسب الزينة دي لنفسه. قل من - [00:48:48](#)
زينة الله التي اخرج لعباده والطيبات من الرزق ما تعاملش مع الدنيا بوسوسة. ما تعاملش مع الدنيا يعني عاقل كده وخليك آآ وخليك
ناضج وانت بتتعامل مع الدنيا. ما بتتعاملش مع الدنيا برعب ما دام انت راجل معك بيت الايمان وفي حياتك اعمدة الانارة. وعندك -
[00:49:08](#)

شيخك واللي بيربيك والصحة الصالحة والدروس اللي بتحضرها. وبتطلب علم او بتحفظ قرآن. انت راجل جوة بيت الدين. ما
تخافش من الدنيا. طول ما انت موصول بالحبل السري بتاع التزامك. طول ما انت موصول ببيت الايمان. قل من حرم زينة الله التي
اخرجها لعباده. والطيبات من الرزق. قل هي للذين امنوا في الحياة الدنيا - [00:49:28](#)

خالصة يوم القيامة. الدنيا لاهل الدنيا مرة واحدة. ولاهل الدين مرتان. الدنيا لاهل الدنيا في الدنيا. ثم حيل بينهم وبينما يشتهون.
خلاص ما عايش فيه دنيا في الآخرة. يتحرموا حتى من شربة الماية. والدنيا لاهل الدين ياخذونها مرتين. ياخذونها في الدنيا -

[00:49:48](#)
بيستمتعوا بها زيههم زي العصاة. زي زي العاصي باستمتع بدنيتي بس في طاعة الله سبحانه وتعالى. كما قالت السيدة عائشة ما تمتع
الكفار بشيء الا تمتع به المسلمون وزادوا عليه - [00:50:08](#)

والله افراحنا هتبقى جميلة. بس لا هجيب الفجر ولا الخمرة ولا الرقصات ولا ولا المعازف المحرمة وهعمل فرح اجمل من افراحهم
عش مع اخواني اجمل حياة اجتماعية. ولكن في تقوى الله سبحانه وتعالى. والدنيا لك كمان كمتدين في الآخرة. لان من ضمن انواع
نعيم - [00:50:23](#)

جنة الدنيا. يعني انت في الدنيا سمعت الامراء بيتنعموا والملوك بيتنعموا. والاميرات والملكات وملوك التاريخ والقيصرة والاكاسرة.
طب الكلام ده اعمل ايه افرغ عمري عشان احصله لا انا مش مجنون. انا عمري اعلو من كده. انا عارف بالظبط انت عارف المتدين
عامل زي ايه؟ بالظبط بالظبط. المتدين ده عامل زي - [00:50:44](#)

طالب الكلية دخل كلية طب قالوا له بص يا عم انت قدامك. شف الجامعة! اه. شف البنات الجميلة واوا! شف يا عم الملاعب والدنيا اه
سمك حاجة من اتنين يا حبيبي. ست سنين امشي مع سبع تلاف بنت. واعمل اللي انت عايزه. والعب اللعب اللي انت عايزه. وقدامك
انك تقعد تطحن - [00:51:04](#)

على المكتب دهب تلت تربع اليوم تزاكر. بس في الآخر اما هتتخرج وتتعين في الجامعة انت هتعمل اللي انت عايزه مدى الحياة.
والتاني ده عيني اتنعم شوية ويفضل ياخذ على دماغه مدى الحياة. من الدعاء ده ما يتخرج. اول ما ينزل الدنيا. اه بالزبط كده. احنا
فكر الطلبة الشاطرة اللي عايزة - [00:51:27](#)

في الجامعة. احنا عايزين نتعين في في الجنة. احنا عايزين نتعين في الجنة. فاحنا مركزين في دنيتنا. فانا شايف العيال بتلعب اه
والله حاجة جميلة. وده ماشي مع فيديو يعني بني ادم والله حاجة لزيذة في السنة يا عم عايز اتعين في الجنة. فرنا قال لك كل اللي
انت سبته عشان تركز في الجنة هدهولك في - [00:51:47](#)

قل هي للذين امنوا في الحياة الدنيا ايه؟ خالصة يوم القيامة. هو في الدنيا ما خدوهاش خالصة. خدوها بالمنغصات والقرف وموت
حبايبهم وزوال عروش انت هتاخذها خالصة مخلصه. بعروش الملوك بكل النعيم اللي هم خدوه. كذلك نفسير الايات لقوم يعلمون -
[00:52:07](#)

اي حد يفهم الكلام ده. قل انما حرم ربي الفواحش ما ظهر منها وما بطن. ده الحرام اهو. ما تعقدوش على الناس عيشتها بقي. ما
تعقدوش على الناس حياتها بقي - [00:52:27](#)

قل انما اقوى اداة قصر في اللغة. الدنيا حلال الدنيا حلال الدنيا خطر خطر لو خرجت عليها من غير ما تبقى خارج من المسجد.
ومش متضلع من نور الدين. طول ما انت موصول ببيت الايمان ما تخافش من الدنيا. خلاص ما دام ما اسررتش - [00:52:37](#)
فيها. طب ايه الحرام؟ ما انا عايز اعرف برضو انا ما فيش حرام؟ لأ فيه حرام. ايه الحرام؟ قل انما حرام ربي. الفواحش. ما ظهر منها

وما بطن. والاثم والبغي بغير حق. خذ بالك المعاصي قاعدة تتطور. الاول كانت في حق نفسك بعد كده بقت في حق غيرك. بعد كده بقت في حق الله. وان تشرکوا بالله ما لم ينزل به سلطانا. بعد - [00:52:51](#)

كده حط نفسه مكان ربنا. وان تقولوا على الله ما لا تعلمون. ده الحرام. لو شددنا على الناس في الحرام انت متهيا لك انك لما بتعتقد على الناس في الفتاوى - [00:53:11](#)

ان الناس هترتبط بالدين اكثر. غلط. لو عقدت على الناس في الفتاوى لما قلنا للناس المصيف حرام كل الناس سابونا وراحوا بس راحوه بالفجور والعري والاختلاط الحرام والمعاذف الحرام رغم ان هو مش حرام بشرط - [00:53:21](#)
ان ما يتعملش فيه حاجة حرام. سيدنا موسى لما نزل البحر بنوا اسرائيل كانوا ايه؟ كانوا في البحر جنبه لما ثوبه الحجر اخذ واخذ يقول ثوبه بحجر وبني وبرأه الله امامهم مما قالوا. يبقى لما هعقد على الناس الدنيا لما هقول للناس ما فيش ترفيه الناس مش الصحابة فرق - [00:53:41](#)

بيننا وبين الصحابة النبي عليه الصلاة والسلام بيقول لهم اياكم والجلوس في الطرقات. ممنوع ان ثلاثة كده يقوموا جايين قاعدين كده قدام محل وجايين تراييزة وقاعدين والمنظر اللي بنشوفه في الدنيا كلها ممنوع الاعداد دي ممنوعة. قالوا له يا رسول الله ما لنا من مجالسنا من بعد؟ الصحابة صرحا. يا رسول الله انا بني ادم عايش في - [00:54:01](#)

الدنيا عاييزة افك عن نفسي في وسط يوم عايز اقوم خارج كده مع اصحابي اللي جنبني ونقعد مع بعض ونقعد نتكلم وناخد وندي مش لان حاجة مهمة بس انا محتاج اقعد احنا عندنا بقى اياكم والجلوس في الطرقات. حاضر ويروحوا يناموا في الشوارع. يشتغلك ويضحك عليك ويروح ينام في الشارع - [00:54:21](#)

الصحابة كانوا صادقين قالوا يا رسول الله ما لنا من مجالس الموت؟ الرسول صلى الله عليه وسلم قال لهم خلاص عايزين تقعدوا؟ اه انا عايز اقعد واخرج والاقى حته اخرج فيها بالليل والاقى انا انا قال لهم خلاص - [00:54:41](#)

شورت المجالس دي شروط هتقعد لي بقى في حته هتقعد لي في كافيه هتقعد شروط. هتقعد لي في اي قهوة هتقعد لي ايه الشروط من ضمنها الامر بالمعروف والنهي عن المنكر. ما يبقاش شغال شاشة فاجرة وانت ساكت. ما يبقاش شيشة واللي جنبك مش انت بقى بتشرب. اللي جنبك بيشرب وانت ساكت. ما فيش الكلام ده - [00:54:51](#)

يبقى قعدة ما فيش فيها معاصي. كف الازى ما يبقاش في واحد معدي ده يتريق عليه وده يتريق عليه. غض البصر مش واحدة معدية ده يبص لها وده يبص لها. يعني من - [00:55:11](#)

قعدة حلال. شيلوا المعاصي واقعدوا. شيلوا المعاصي وصيفوا. يبقى لما تدي للناس طرح ان ينفع تعيش حياتك بس شيل الحرام من حياتك. غير لما تدي للناس طرح شل الدنيا ما حدش يشتم الدنيا. هيروح للدنيا وهيروح بالمعاصي وهيسبيك - [00:55:21](#)

اخر حاجة يا بني ادم اما يأتينكم رسل منكم يقصون عليكم اياتي فمن اتقى واصلح يمكن الدنيا تشغلك ويمكن تقع ويمكن تعصي. اوعى تعتبر ان المعصية مصيبة. المعصية مصيبة لو بلا توبة - [00:55:41](#)

والمعصية سلم للوصول الى الله لو اتبعتها بالتوبة والاستغفار والندم الصادق. والفارق ما بين الملتزم والفاقد مش ان ده ما بيعصيش وده بيعصى. الاتنين بيعصوا. بس الملتزم بيتوب والفاقد ما بيتوبش. عشان كده فمن اتقى - [00:56:01](#)

فاصلح لو تهت ولا الدنيا شغلتك عن الدين؟ ربنا هيبعت لك ناس بقى سفراء بين الله وخلقه هيكلموك في الدين. الناس دي بقى اسمع كلامها. فمن اتقى واصلح صلح صلح ولما تلاقي نفسك بعدت رح قرب من الناس دي ثاني. من الناس اللي هترجعك لجو الدين ثاني.

وما تعتبرش ان وقعتك - [00:56:21](#)

هي نهاية القصة. لان طبيعي انك تقع. اللي مش طبيعي انك انت تستسلم وانت عارف انها معركة مصيرية. وقضية مصيرية اه الصفحتين دول الصفحة الثانية الثالثة والرابعة في سورة الاعراف انا بعترهم اخطر صفحتين في القرآن. ودي خريطة العودة للجنة.

ودي قواعد - [00:56:41](#)

المعركة الاخيرة قواعد الجولة الثانية قواعد الجولة الاخيرة. قواعد الماتش اللي التزمت اربعة صفر في في الذهاب دلوقتي في الاياب

ما قدامكش غير انك انت اقل حاجة تجيب خمس تجوان. اقل حاجة انت راجل مغلوب وعاييز تعوض. فهمتم ايه - 00:57:01
فين الصفحتين دول؟ ايه الكلام العملي اللي انتم فهمتوه بقى؟ ان هو يطبق من الصفحتين دول. يبقى لازم تعرف انك ضعيف. لازم تعرف انك ضعيف. وان قوتك هو الدين. وانك من غير الدين ضايع فحط نفسك في جو الدين. ده مفهوم انت ضعيف. اوعى الشيطان يضحك عليك ويقول لك انك انت قادر - 00:57:21

انت لا قادر ولا نيلة. انت غلبان وضعفان ودي مش عيوب تصنيع ربنا خلقك كده. عشان ده امتحانك. هتعتصم هيقويك. مش هتعتصم بالله هتبقى عامل زي الكورة في رجلين الشيطان. يا بني ادم خد الدين - 00:57:41
بوسطية واعتدال. مش ووسطية اللي بياخدوا مرتبات عشان يفتوا باي فتوى. ووسطية الشرع الحقيقية. ووسطية الانبياء ووسطية النبي عليه الصلاة والسلام. ما تشدش على نفسك في الدين. تشد قضية الحلال والحرام دي قضية ضيعة اجيال. ودايما هي مناطق الشيخ - 00:58:01

فلان نزل كتاب الحلال والحرام. والشيخ فلان بيرد عليه. وفلان بيرد عليه. قضية رهيبة. وده يقول لك كل حاجة حلال. وده يقول لك كل حاجة حرام. قضايا رهيبة. خليك راجل معتدل. وامش - 00:58:21
ورا الناس اللي ماشية ورا الدليل. امشي ورا اهل العلم ماشيين ورا الدليل وما تعقدش الدين على نفسك. ولا تعقد الدين احنا الدين لا يصادم الحياة. ولا يصادم ها الهدف الرئيسي التزم في المعصية - 00:58:31
الشيطان بيشتغل من خلال ان هو بيكشف العورات وان هو يكشف العوار اللي جواك والسوقات اللي جواك توازن ما بين الدين والدنيا. ها؟ يعني انتم سبتم اهم نقط ايه لازم تفهم خطة خصمك. الشيطان بيحاربك كما اخرج ابويكم من الجنة. الشيطان عنده خطة. هحاول المرة الجاية ان شاء الله ان ربنا يأزي ان انا اقف معه. كما - 00:58:51

اقف مع هو احنا في سورة الاعراف قاعدين نرجع يا جماعة. يعني اما وقفنا مع الصفا الخامسة والسادسة المرة اللي فاتت النهاردة الثالثة والرابعة. المرة الجاية نرجع وراء تاني لو وقعت وقمت ما تياسش طبعاً. فمن اتقى واصلح. اصلح دي. يعني انت كان غير قبل كده صلح - 00:59:21

ربنا مش هيسيبك طول الطريق تجاوب مع سفراء الله اللي هيبعتهم لك عشان ياخدوا بايديه. احزر من خطوات الشيطان الشيطان بياخذك واحدة واحدة لا تدع سلاحك وانت في المعركة انتم فرحتوا فين اقيموا وجوهكم عند كل مسجد وادعوا مخلصين له الدين - 00:59:41

النور هنا النور في المسجد. اعتصم بالمسجد. خلي المساجد هي وطنك. استغيس بالله ادعوهم لو الدين توصل الى الله. آآ انك الى الشيطان كان ضعيفاً. الشيطان ضعيف بس انت مش شايفه. يعني اكبر حاجة الشيطان - 01:00:01
فيها ان هو ضيعك من غير ما تحس ان هو موجود. بيقفل ايمان طبعاً. بقيت اقيموا وجوهكم عند كل مسجد. اقيموا وجوهكم مش روح المسجد. فيه فرق ان انا اقول لك روح المسجد وان انا اقول لك اقيموا وجوهكم. خلي ده وجهتك. باقامة بقوة. هو ده - 01:00:21

هيقوم لك حياتك عند كل مسجد استفيد من جبال اهل الدين. ما تقفلش نفسك على داعية واحد. ما تقفلش نفسك على صاحب واحد. ما تيجي استفيد من ربنا وزع نور الدين على اهل الدين. استفيد من اهل الدين كلهم. افتح نفسك في جو الدين وافتح افكك. صفات عباد الرحمن هي - 01:00:41

ازاي؟ جميل جميل هو انا قلت منها الزين يمشون على الارض انك انت بعد ما خدت النور في المسجد اخرج دور للناس حياتك. قل لي. اتفضل دعاية للدين مش دعاية ضد الدين. الشيطان عايز يخليك متشدد في الدين عشان تخنق الناس - 01:01:01
خليك دعاية للدين. تلطف وانت بتوصل للناس الدين وبتدعو الناس الى الدين. الدين عزلة عن الحرام وليس عزلة ده فلاسفة بقى ده كلام جميل. دعوة صحيحة. اسلوب دعوة صحيح طبعاً. طبعاً. ها؟ ثلاثة وتلاتين - 01:01:31
ازاي الدين يبقى فرحة في حياتك؟ ازاي الدين يبقى سبب فرحتك؟ يعني الدين نفسه انا داخل المسجد باجدد نفسيتي. دي لحد

دلوقتي قليلين جدا اللي عرفوا يعملوها انه يستمتع بالدين يستمتع بالطاعة. احترم لحزات ضعفك طبعا - [01:01:51](#)
المعصية سنة من الوصول الى المعصية سلم للوصول الى الله اذا اتبعت بالتوبة. ماشي. ماشي يا بهاء هنافس برودو على زين اطلعه
الذي اخرج له لعياده والطيبات من الرزق. هي تجي لك الوحيدة وما تخفش ما تخافش يعني بلاش تنافس على زينة الله. التي اخرجها -

[01:02:11](#)

فلما اجي لك اقبلها طول ما انت في جو الدين وفي جو الايمان وفي جو بقيت الدين. الايمان بالكلمة طبعا الكلمة الصالحة ممكن
الكلمة الطيبة تغير في الحياة. ايوة وري الناس الدين فرحة مش اكتئاب وامتي يبقى الدين فرحة اما تبقى وسط - [01:02:31](#)
اخوانك. عمر الدين ما هيبقى فرحة وانت لوحدة. عمر الدين ما هيبقى جميل غير وانت وسط اخوانك. صحوا بعض لقيام الليل تصلوا
مع بعض الفجر في مسجد وتروحوا تحضروا دروس مع بعض ومواسم العبادة وتنزلوا جولة مع بعض. الدين عوم وتروحوا اعملوا
قافلة خيرية مع بعض وتتفصحوا مع بعض - [01:02:53](#)

الدين ما هيبقى فرحة غير وانت وسط صحبة صالحة. ايش؟ الاجتهاد في الطاعة. اقيموا وجوهكم بكلمة عالية دعوه مخلصين له
الدين. اتعب في الدعاء مع الله. اتعب في التوجه الى الله. من خلال العصبية. لا لله. اه طبعا لا للعصبية والحزبية. ماشي - [01:03:13](#)
التجرد عند كل مسجد خليك انسان متجرد انت مع الدين حيثما كان. الشيطان عارف انك عبد الضعيف الشيطان يعلم انك عبد ضعيف
لا تتمالك صح. احترم لحظات ضعفك. احنا آآ يعني كويس انتم قلتم كلام جميل - [01:03:33](#)

نسأل الله سبحانه وتعالى ان يهدينا ويسدنا. اللهم انا نسأل الفردوس الاعلى ونستجير بك من النار. اللهم انا نسأل الفردوس الاعلى
ونستجير بك من النار. اللهم انا نسأل الفردوس الاعلى ونستجير بك من النار. اللهم يا مقلب القلوب ثبت قلوبنا - [01:03:53](#)
على دينك. اللهم يا مصرف القلوب اصرف قلوبنا الى طاعتك. اللهم اهدنا وسدنا. اللهم اهدنا وسدنا. اللهم اهدنا وسدنا. اللهم اهدنا
فيمن هديت. وعافنا فيمن عافيت. وتولنا فيمن توليت. وقنات - [01:04:13](#)

واصرف عنا شر ما قضيت. وبارك اللهم لنا فيما اعطيت. انه لا يذل من واليت تباركت وتعاليت سبحانه اللهم وبحمدك اشهد ان لا اله
الا انت استغفرك واتوب اليك - [01:04:33](#)